

Na osnovu člana 22. stav 2. Zakona o mineralnim đubrivima ("Službeni glasnik BiH", broj 46/04), federalni ministar poljoprivrede, vodoprivrede i šumarstva donosi

PRAVILNIK

O NAČINU KONTROLE, VISINI I NAČINU PLAĆANJA NAKNADE ZA OBAVLJENE OBAVEZNE KONTROLE POŠILJKI MINERALNIH ĐUBRIVA PRI UVOZU U FEDERACIJU BOSNE I HERCEGOVINE

Član 1.

Ovim pravilnikom se određuje način kontrole, visina i način plaćanja naknade za obavljene obavezne kontrole pošiljki mineralnih đubriva koja se uvoze u Federaciju Bosne i Hercegovine (u daljnjem tekstu: Federacija).

Član 2.

Visina naknade za izvršenu obaveznu kontrolu pošiljki mineralnih đubriva koja se uvozi u Federaciju iznosi:

1. za vagonске i kamionske pošiljke - 0,5 KM za jednu i isto toliko za svaku dalju započetu tonu;
2. za brodske pošiljke - 0,5 KM za jednu i isto toliko za svaku dalju započetu tonu;
3. za denčane, avionske i poštanske pošiljke - 0,5 KM za jednu i isto toliko za svaku dalju započetu tonu.

Član 3.

Obavezna kontrola pošiljki mineralnih đubriva, prilikom prelaska carinske linije može se obavljati samo u radno vrijeme granične stanice (prijelaza) za zaštitu bilja i pri dnevnoj svjetlosti, a izuzetno poslije radnog vremena i noću na graničnim prijelazima na kojima su osigurani propisani uslovi.

Član 4.

Visina naknade iz člana 2. ovog pravilnika koji se vrši poslije radnog vremena, tokom noći, nedjeljom i u dane državnih praznika, povećava se jednokratno za 100% od propisane visine naknade.

Član 5.

Uvoznik, odnosno ovlašteni zastupnik, dužan je uz zahtjev pored ostale prateće dokumentacije za kontrolu pošiljke mineralnog đubriva na graničnom prijelazu priložiti dokaz o uplati naknade propisane ovim pravilnikom.

Član 6.

Naknade utvrđene članom 2. ovog pravilnika fizička i pravna lica uplaćuju u korist Budžeta Federacije Bosne i Hercegovine u skladu sa Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine ("Službene novine Federacije BiH", br. 41/09, 46/09, 56/09, 63/09 i 77/09).

Član 7.

Ovaj pravilnik stupa na snagu narednog dana od dana objave u "Službenim novinama Federacije BiH"

Broj 01-02-452-2/09
Januar 2010. godine
Sarajevo

Ministar
Mr. sci. **Damir Ljubić**, s. r.